

DervErsatzmann
=====

As Fritzla it a wiefer Bua,
trotz seiner fünfehalb Jahr.
Geit Tog und Nacht kee bißla Ruah -
Fußball spielt ar sogar.
Orscht neulich höm sa wieder gspielt,
gege die Semfelder Gaß.
Der Fritz hot sich als Kipper gfühlt,
denn grod dos mecht na Spaß.
Ar it da in seim Element,
schmeißt sich ganz elegant -
und wenn ar aus seim Tor rausrennt,
is die Gefahr gebannt.

Auf Spielschluß zu der Fritz entdeckt:
ar möaßt mal öbbes mach!
Die annern höm na ogebläckt:
"Blei da, gäh ja nit wag!"
As Fritzla fühlt sich gur nit wouhl,
doch tapfer hält er aus.
As End vom Lied, die Housn voull
schleicht ar gedrückt nach Haus.

Und wie ar vor der Mutter stäht,
da braucht ar nix zu sogn.
Ihr Blick dörch Mark und Pfennig gäht -
sie hats ja scho gerochn!
Da saigt der Fritz in seiner Not:
(und halt sei Housn zu)
"Mir höm doch keen Ersatzmann ghot,
ich konn gur nas dezu!"